



Šri Lanka Avantura

29. april 2022. - 8. maj 2022.
10 dana - 7 noći

“ Vodimo vas na putovanje u egzotičnu i posebnu zemlju koju zovu biserom Indijskog okeana – Šri Lanku. Zemlja koja se nalazi u Indijskom moru, južno od Indije bogata je predivnim plažama, nevjerovatnom prirodom i dugom tradicijom i kulturom.

Vodimo Vas na druženje sa ljubaznim lokalnim stanovništvom, na obilazak kakav nećete naći u ponudama drugih agencija. Neobično putovanje kroz džungle centralnog dijela ostrva, obilasci poznatih budističkih hramova, lokaliteta pod zaštitom UNESCO-a, branje i degustacija čaja, hranjenje slonova, surfanje.

Prvo posjećujemo Hikaduvu (Hikkaduwa), gdje ćemo biti smješteni tokom cijelog putovanja, odakle idemo na fakultativni izlet u Dambulu (Dambulla) – kompleks od pet hramova u pećinama, gdje ćemo vidjeti i čuveni Zlatni hram. Potom se upućujemo u Sigiriju (Sigiriya) (lavlju stijenu), kamenu tvrđavu pod zaštitom UNESCO-a. Fakultativno ćemo posjetiti i farmu začina, Pinavelu (Pinnawala) i botaničku baštu Peradenija, i uživati u nestvarnoj prirodi i pogledu koji se pruža sa visine.

Nastavljamo upoznavanje Šri Lanke u Hikaduvi (Hikkaduwa), najpoznatijem turističkom mjestu na jugozapadnoj obali zemlje.

Obilasci uključeni u cijenu aranžmana:

Obilazak grada Galle

Obilazak plaže Mirisa

Obilazak sela Veligama

Obilazak plaže Unavatuna

Obilazak plaže Hiriketija

Obilazak plaže Tangale

Vožnja katamaranima kroz zelenu lagunu

Obilazak farme kornjača

Obilazak Moon stone rudnika

Obilazak cunami spomenika

Večera – morski plodovi uz zalazak sunca

Obilazak lokalne riblje pijace na plaži

Obilazak lokalnog sela

Vožnja lokalnim vozom

Panoramsko razgledanje Kolomba

Kreni u nezaboravnu avanturu sa nasmijanim plemenom - čekamo te!





Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Okupljanje grupe i polazak

Okupljanje grupe na aerodromu „Nikola Tesla“ dva sata prije leta. Let iz Beograda u 15:35h (QR 232) sa presjedanjem u Dohi. Dolazak u Dohu u 22:35 h po lokalnom vremenu.

Prevoz

Aviokarta sa svim taksama na relaciji Beograd–Kolombo, u ekonomskoj klasi sa presjedanjem sa 25 kg čekiranog i 8 kg ručnog prtljaga

Mesto

Beograd, Doha

Dan 2: Dolazak u Hikkaduwa

Let za Colombo u 01:30h po lokalnom vremenu. Dolazak na aerodrom u Colombo u 08:35h. Dobrodošli na ostrvo ukusa, bivši Cejlon, današnju Šri Lanku, zemlju čaja, dragog kamena, nasmijanih ljudi, svile... Transfer do Hikkaduwe. Oslobođanje od stresa i sakupljanje energije počinje. **Noćenje.**

Prevoz

Transfer od aerodroma do smještaja

Smeštaj

Guesthouse (1 noć)

Mesto

Colombo, Hikkaduwa

Dan 3: Uživanje u zelenoj laguni

Avanturu počinjemo ranom zorom! Idemo na vožnju *katamaranima po zelenoj laguni*. Divit ćete se prirodi ovog mjesta. Potom ćemo posjetiti čuveni *budistički hram* koji je dostupan samo sa jezera. Potom odlazimo u rudnik dragog kamena *Moonstone*, po kome je Šri Lanka nadaleko poznata. Ovaj dragi kamen je moguće naći samo na ovom mjestu, tj. ovaj rudnik je jedini prirodni izvor Moonston-a na cijelom svijetu. Kasnije odlazimo na *farmu kornjača* koja se nalazi u blizini Hikkaduwe. Susret sa ovim lijepim stvorenjima će vas veoma oraspoložiti. U povratku ćemo imati priliku da vidimo ogroman spomenik koji su Japanci podigli na mjestu gdje je cunami prije nekoliko godina prevrnuo voz u kojem se nalazilo preko 300 ljudi. Nastavljamo ka čuvenoj Unavatuna plaži i uživamo u talasima i zlatnom zalasku sunca. Povratak u Hikkaduwa. **Noćenje.**

Smeštaj

Guesthouse (1 noć)

Dan 4: Dan rezervisan za lokalne delikatese i lokalni voz

Jutro započinjemo obilaskom riblje pijace i obilazak lokalnog sela. Gledamo kako to živi lokalno stanovništvo, kakva je njihova svakodnevnica i koji je recept za široke osmijehe koji krasi ove ljude. Sjedamo u lokalni voz i vozimo se uz more i palme, smijemo se sa lokalcima- pravimo najbolje fotke! Veče je rezervisano za uživanje u morskim plodovima u lokalnom restoranu. Spremili smo za vas odličnu večeru - degustacija raznih, svježih morskih specijaliteta uz magični zalazak sunca i hladno lokalno pivo od 8.5 % alkohola.

Noćenje.

Smeštaj

Guesthouse (1 noć)

Dan 5: Fakultativni izlet: Pinawella+fabrika čaja+plantaža začina

Jutarnji odlazak na fakultativni izlet u oblasti Kendija. Prva stanica *jefabrika čaja*. Ovdje ćemo naučiti nešto novo i vidjeti kako izgleda proizvodnja najpoznatijeg napitka na svijetu, zatim ćemo imati priliku da degustiramo čaj i pogledati biljke koje se spremaju za dalju industrijsku obradu. Nakon toga, idemo u *Pinawellu*, rezervat za slonove gdje ćete uživati u druženju sa ovim prepametnim životinjama. Posjetioci ovog sela u većini slučajeva imaju priliku da ih nahrane i pogledaju kako se slonovi kupaju u obližnjoj rijeci. U povratku ćemo imati priliku da obiđemo „*Spice Garden*“ (možda ste se pitali kako izgleda drvo vanile, cimeta, karanfilića, kakaa, ananasa, kafe...) i pogledam *plantaže čaja* čime završavamo ovaj izlet. Slobodno vrijeme po povratku u Kendi. **Noćenje.**

Smeštaj

Guesthouse (1 noć)

Fakultativni izleti

Obilazak fabrike čaja, farme začina i Pinnawala

Dan 6: Fakultativni izlet - Sigiriya i Dambula

Jutarnji polazak autobusom na fakultativni izlet za *Dambulu*, kompleks od pet hramova u pećinama gdje ćemo imati priliku da vidimo i čuveni *Zlatni hram*. Potom se upućujemo u *Sigiriju (lavlju stijenu)*, kamenu tvrđavu sa prelijepim kulturnim naslijeđem iz antičkog perioda koja je pod zaštitom UNESCO-a. Povratak u Kendi. Slobodno vrijeme **Noćenje.**

Smeštaj

Guesthouse (1 noć)

Fakultativni izleti

Fakultativni izlet - Sigiriya i Dambulla



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 7: Fakultativni izlet - Hram Budinog zuba i botanička bašta Peradenija

Nakon buđenja i druženja sa majmunima na terasi hotela uz doručak idemo u obilazak Hrama Budinog zuba, najvećeg svetišta Šri Lanke. Nakon toga idemo u kraljevsku botaničku baštu Peradenija. Prelijepa, nepregladna prostranstva nevjerovatne prirode - banjan drveće, kraljevske palme, vrt orhideja, viseći mostovi, zalutali varani i jos mnogo toga. Transfer do Hikkaduwe. **Noćenje.**

Smeštaj

Guesthouse (1 noć)

Fakultativni izleti

Hram budinog zuba

Dan 8: Galle i Mirisa

Dan rezervisan za *oblizak južne i jugozapadne obale*. Prva stanica nam je grad *Gol (Galle)*, koji krasi holandska arhitektura i pregršt malih umjetničkih galerija i mirnih kafea. Iz Gola nastavljamo prema Mirisi, plaži koja važi za jednu od najljepših na Šri Lanki. Više puta je bila na listi najljepših plaža svijeta! Usput ćemo posjetiti zaštitni znak Šri Lanke - ribari u selu Veligama, koji pecaju sjedeći na štapovima na sred mora! Večernji povratak u Hikkaduwe. **Noćenje.**

Smeštaj

Guesthouse (1 noć)

Dan 9: Napuštanje smještaja i Panoramsko razgledanje Colomba prije povratka

Napuštamo smještaj u prijepodnevim satima. Slobodno vrijeme do večernjeg polaska za Colombo. Opraštamo se od ovog rajskog ostrva jednim panoramskim razgledanjem. Užurbana azijska metropola, betonska džungla koja nikada ne spava. Ludilo na ulici, rikše jure kao u igrici, pijace na sve strane, veliki oblakoderi i nepregledni parkovi. Transfer do aerodroma.

Prevoz

Transfer od smještaja do aerodroma

Dan 10: Povratak i kraj putovanja

Let za Beograd u 03:00h (QR659). Dolazak u Dohu u 05:30h i konekcija na let za Beograd. Let za Beograd u 08:35h. Dolazak u Beograd u 12:05h. Kraj putovanja!

Prevoz

Aviokarta sa svim taksama na relaciji Colombo- Beograd, u ekonomskoj klasi sa presjedanjem sa 25 kg čekiranog i 8 kg ručnog prtljaga

Mesto

Hikkaduwa, Colombo, Doha, Beograd

Cene i uslovi

Šta je uključeno

Regularna cena
2.180,00 BAM

First minute cijena
Važi za prijave **do 01.04.2022. godine**
1.900,00 BAM

Nije uključeno

- Fakultativne izlete i ulaznice za kulturno historijske spomenike
- Viza za Šri Lanku (120,00 KM sa uslugom viziranja)
- Putno zdravstveno osiguranje (može se uzeti u agenciji)
- PCR test prije polaska (ne stariji od 72h)
- Dokaz o potpunoj vakcinaciji!

Uslovi plaćanja: Cijene aranžmana objavljene na web stranici izražene su sa uračunatim popustom od 2,5% i vrijede za plaćanje gotovinom u poslovnici ili uplatu na transakcijski račun agencije.

Cijene aranžmana se uvećavaju za 2,5% ukoliko putnik aranžman plaća u poslovnici karticom - jednokratno.

Prilikom prijavljivanja plaća se avans u iznosu od 400 KM, a ostatak sume plaća se u agenciji ili putem banke najkasnije 6 sedmica pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Prijavljivanje: Preporučujemo ranije prijave jer je broj mjesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mjesec dana pred put. Ukoliko putnici ne dostave dokumenta za vize u navedenom roku, dužni su da sami obezbijede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Obilazak fabrike čaja, farme začina i Pinnawala

Cijena: 55,00 EUR

Jutarnji odlazak na fakultativni izlet. Prva stanica je *fabrika čaja*. Ovdje ćemo naučiti nešto novo i vidjeti kako izgleda proizvodnja najpoznatijeg napitka na svijetu, zatim ćemo imati priliku da degustiramo čaj i pogledati biljke koje se spremaju za dalju industrijsku obradu. Nakon toga, idemo u *Pinnawalu*, rezervat za slonove gdje ćete uživati u druženju sa ovim prepametnim životinjama. Posjetioci ovog sela u većini slučajeva imaju priliku da ih nahrane i pogledaju kako se slonovi kupaju u obližnjoj rijeci. U povratku ćemo imati priliku da obiđemo „*Spice Garden*“ (možda ste se pitali kako izgleda drvo vanile, cimeta, karanfilića, kakaa, ananasa, kafe...) i pogledamo plantaže čaja čime završavamo ovaj izlet. Slobodno vrijeme po povratku u Kandy.

Fakultativni izlet - Sigiriya i Dambulla

Cijena: 85,00 EUR

Posjećujemo kompleks hramova u pećinama u Dambulli koje se nalaze na UNESCO-voj listi Svjetske baštine. Najveći su i najbolje očuvani hramovi u pećinama na području Šri Lanke. Stijene se uzdižu na visinu od 160 metara, a u sebi čuvaju 5 pećina koje su oslikane i čuvaju mnogobrojne statue kako Bude, tako i kraljeva Šri Lanke i hindu bogova. Hramovi u pećinama potiču iz 1. vijeka prije nove ere. U podnožju stepenica koje vode do pećina, nalazi se Zlatni hram, velika šarena, pomalo kičasta građevina sa ogromnim zlatnim sjedećim Budom od čak 30 metara. Hram je, zapravo, budistički muzej u kom se nalaze postavke procesije čitavog Budinog života i dosta statua koje pripadaju nacijama okolnih budističkih zemalja. Sama Dambulla datira još iz 1. vijeka prije nove ere, kada je kralj Vatagama, bježeći od Tamila, našao utočište u ovim pećinama i ostao tu 14 godina. Kada je povratio prijestol, u znak zahvalnosti počeo je ovdje da gradi hramove, koje su nakon njegove smrti nastavili da šire kendijski kraljevi. Nalaze se na visini od 160 metara i do samog vrha ima nešto manje od 1000 stepenika. Na stepenicama srećemo male slatke prodavačice lotosa i ljiljana, čitače dlanova, neumorne prodavce magneta, ponekog čergara sa kobrama i pitonima i zaljubljene parove.

Sigiriya je stijena čiji bukvalni prevod znači „lavlja stijena“, a predstavlja veliki kompleks koji se nalazi na listi Svjetske baštine još od 1982. godine. **Sigiriya, „Lavlje stijena“** je kamena tvrđava iz 5. vijeka sa ostacima starih rezervoara za vodu, prelijepim baštama i izuzetnim umjetničkim bogatstvom. Nalazi se u središtu ostrva, na velikoj nadmorskoj visini u odnosu na svoje okruženje, te je vidljiva iz skoro svih okolnih mjesta udaljenih i po više kilometara. Lavlja usta i prelijepe bašte su najposjećenije atrakcije na ovom lokalitetu. Na samo 15 kilometara od Dambulle, na stijeni od 200 metara, okružena nepreglednim šumama i crvenom glinom, leži Sigiriya, Casapino utvrđenje, nekadašnja prijestolnica šrilankanskog carstva. Cijeli kompleks datira iz 5. vijeka, ali se tvrdi da je stijena pružala utočište monasima još od 3. vijeka prije nove ere. Casapa je jedan od dvojice sinova kralja Dhatusena, koji je svog oca zarobio, a brata protjerao u Indiju i odlučio da sebi sagradi utvrđenje na vrhu ove stijene. Kažu da se cijeli kompleks gradio samo 7 godina, u 5. vijeku. Nakon što je pretrpio poraz u sukobu sa svojim bratom, Casapa je 491. godine izgubio svoje kraljevstvo i zemlja je vraćena monasima. Obilaziti ćemo cijeli kompleks sa lokalnim vodičem i penjati se do samog vrha stijene.

Hram budinog zuba

Cijena: 15,00 EUR

Obilazak najsvetijeg spomenika budizma na Šri Lanki - hrama Budinog zuba (Tooth temple). Počinje oslobađanje od stresa i sakupljanje energije.

Smeštaj

Guesthouse

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Smještajni objekat tipičan za područje Azije. Sobe su jednostavne, uglavnom manje prostrane, sa dva ili tri kreveta i sopstvenim kupatilom. Usluga je na bazi noćenja.

* Tačan naziv smještaja biće potvrđen najkasnije do 30 dana pred put.

Prevoz

Avion

Putnički avion (linijski *putnički avion* ili komercijalni transportni avion) veliki je avion prvenstveno namijenjen komercijalnom prevozu putnika i tereta.

Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

Mesta

Beograd

Beograd je glavni grad Republike Srbije. U urbanom dijelu grada živi 1,23 miliona, a unutar administrativne teritorije grada gotovo 1,7 miliona stanovnika. Beograd je grad veoma burne historije i jedan od najstarijih urbanih cjelina u Europi. Njegova historija traje punih 7000 godina.

Doha

Doha je glavni grad države Katar. Nalazi se na obali Perzijskog zaljeva. U gradskoj blizini je Međunarodna zračna luka Doha i veliki pogoni naftne i riboprerađivačke industrije.

Colombo

Colombo je glavni grad Šri Lanke i najveći grad na ostrvu sa oko million stanovnika. Riječ Colombo potiče od sinhaleške riječi Colom Tota, što znači morska luka. Colombo je bio važan centar i prije kolonijalnog perioda jer je bio dio Puta svile.

Hikkaduwa

Hikkaduwa je najpoznatije i jedno od najljepših ljetovališta Šri Lanke. Nalazi se na jugu ostrva, na obali Indijskog okeana i poznat je po dugim pješčanim plažama, a Hikkaduwu nazivaju i „surferskim rajem“.

Korisne informacije



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Šri Lanka

ŠRI LANKA

OPŠTI PODACI O ZEMLJI

Demokratska Socijalistička Republika Šri Lanka je ostrvska država u južnoj Aziji. Zauzima ostrvo Šri Lanku (u prošlosti zvan i Cejlon) te nekoliko manjih ostrva u Indijskom oceanu, jugoistočno od Indijskog poluostrva. Većinu zemlje zauzimaju nizije i brežuljkasta područja

Površina zemlje: 65.610 km², 119. po veličini u svijetu;

Broj stanovnika: 19.607.519

Glavni grad: Colombo

Nacionalnost: Dvije najveće zajednice su **Singalezi**, uglavnom Budisti (75%) i **Tamili** čija je religija tradicionalno **Hinduizam** (18%). Na ostrvu živi i značajna sunitska **muslimanska** zajednica (7%) čiji pripadnici govore **tamilskim jezikom**.

Službeni jezik: singaleški i tamilski

VIZA

Za državljane BiH obvezna je viza za odlazak na Šri Lanku. Cijena vize je 120,00 KM i vadi se online prije samog odlaska na putovanje. Pasoš u trenutku putovanja mora vrijediti još minimalno 6 mjeseci, a viza je odobrena u okviru od 24 sata od predaje zahtjeva. Stoga, vizu je dovoljno vaditi i dvije sedmice prije polaska, a sve potrebne informacije za vađenje vize dobit ćete od agencije.

VREMENSKA ZONA

UTC + 6, što znači 5 sati unaprijed u odnosu na BiH.

KLIMA

Klima je monsunska. Rijeke **Mahawelli**, **Bala** i **Gelani** obiluju vodom samo u kišno doba godine. Tropska je vegetacija veoma bujna, a pješčane obale obrasle su mangrovama. Godišnja količina padavina u jugoistočnim krajevima je oko 5 000 mm, a u sjevernima 1 000 mm. Prosječna godišnja temperatura na 1 000 m visine je 24.5, a u primorskoj ravnici 27.3 stepeni Celzijusovih.

HRANA I PIĆE

Šri Lanka je nadaleko poznata po dobroj kuhinji, naročito začинима i predstavlja mješavinu tajlandske, kineske i indijske kuhinje. Moguće je naći i zapadnjačku hranu - pizze, sendviče, paste, salate. **Bitno je napomenuti da se za piće koristi isključivo flaširana voda.** Svakako preporučujemo uživati u tradicionalnoj kuhinji i probati svježu ribu, curry, rotti, cofty i klasičnu azijsku kuhinju koja se bazira na riži, ribi, piletni, svježem voću i povrću. Dobro je znati da stavljaju šećer u gotovo sve i u cijeđeno voće, i u voćne salate, a na većini mjesta, čak i u omlete pa ako niste veliki ljubitelj slatkog recite im kad naručujete da ćete bez šećera.

Od alkohola, najviše se pije pivo, ledeno hladni Lion, koji posebno prija na visokim stepenima vlage koji vladaju na Šri Lanci.

ZDRAVLJE

Najbolje je da sami nazovete Institut za tropske i infektivne bolesti, ali po našem dosadašnjem iskustvu nema potrebe za vakcinacijom. U svakom slučaju, odluka je na Vama. Uvijek preporučujemo putnicima da za daleka putovanja ponesu probiotike, lijekove za prehladu i temperaturu za svaki slučaj. Takođe, ponesite i neko sredstvo protiv komaraca (Autan).

OSIGURANJE

Nije obavezno ali je svakako preporučljivo. Možete ga uplatiti u bilo kojoj osiguravajućoj kući ili kod nas do 5 dana pred putovanje.

SIGURNOST

Šri Lanka je zemlja gdje su stanovnici uglavnom budisti te su vrlo miroljubivi. Potrebno je paziti na vlastite stvari i imati na oku torbu i vrijedne stvari, kako biste se zaštitili od džeparoša. Situacija na Šri Lanci je stabilna i mirna, te nema nikakvih opasnosti od bilo kakvih sukoba. Naveče se preporučuje kretanje u grupicama od troje ili više ljudi kako ne bi bilo nikakvih problema.

ODJEĆA

Što se tiče stvari, ponesite ljetnu garderobu i spakujte što manje stvari. Ponesite i nešto dužih rukava i nogavica zbog aviona i obilaska hramova. Takođe uvijek savjetujemo da u ručni prtljag za svaki slučaj stavite i neke stvari koje Vam mogu zatrebati u slučaju da se prtljag izgubi. Savjetujemo da prtljag uvijete u zaštitnu foliju na aerodromu u Beogradu.

U većini smještaja postoji opcija pranja odjeće, jeftina je i operu robu sasvim dobro. Brzi su i ako im robu date danas, već sutra će biti spremna za novo nošenje. Takođe, tamo ćete moći i kupiti svašta, od dimija, kratkih majčica pa sve do kupaćih kostima.

LOKALNA VALUTA

Možete nositi eure ili dolare. Odnos je 1 eur = 176 rupija ; 1 dolar oko 130 SLR. Postoji mogućnost korištenja kartica, prije svega na bankomatima, ali ne treba se previše oslanjati na to. Provizije koje se uzimaju nisu velike, ali treba provjeriti s matičnom bankom.

Za sve fakultativne izlete potrebno vam je oko 200 €.

Ukoliko se ipak odlučite koristiti kreditne kartice, svakako najavite odlazak u inostranstvo svojoj matičnoj banci, jer znaju blokirati kartice radi nepoznate aktivnosti iz



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

inostranstva te je tada potrebno dan do dva da Vam odblokiraju karticu.

KOMUNIKACIJA

Naše mreže funkcionišu na Šri Lanki. Što se tiče cijena roaminga, provjerite na stranicama Vaših mobilnih operatera. Možete kupiti i lokalne kartice koje nisu skupe. Što se tiče interneta i wi fi, konekcija zna biti sporija, ali je sasvim dovoljna za osnovnu komunikaciju.

TOPLA PREPORUKA

Šri Lanka je još uvijek turistički neistraženi dragulj koji se svakako isplati istražiti. Poznata je po začinima i zelenom čaju. Odvažite se na avanturu po bivšem Cejlonu, uživajte u osmijehu srdačnog stanovništva, otkrijepite se najboljim zelenim čajem u cijelom svijetu i uživajte u prirodi koja oduzima dah. Ponesite sa sobom mnoštvo začina, od kurkume i cimeta do vanile, te po povratku u BiH oživite mirise Šri Lanke u vlastitoj kuhinji.

Važne napomene

Opšte napomene:

- Organizator putovanja je JUNGLE TRAVEL sa licencom OTP 266/2010.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik provjeri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu usljed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPŠTIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladjeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevni satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.